



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

55. Ad Eleemos. pecunias miraculo inuenit.

urn:nbn:de:hbz:466:1-10854

aliquid ab eo; quodcumque id foret, amicitia confusus petierat; sanctus ut erat perurbanus, nihil habens præterea, detractam collo precatorem coronam, donauit mercatori, monens caram haberet; quandiu illam seruasset nullis in mari casibus periturum; quo securitatis pignore, quam dono hilatior vir pius, Meliapore soluit. Porro inter Malacam, & Meliaporem sinus est, quo vix alius toto Indico mari periculosior: huius partem magnam enauigauerat mercator, cum ventis furialibus euersum mare, nauim corripuit, & nautis ereptam allisamque in scopulos fragit: paucis vitâ incolumi emerfis; qui ne alto in mari & nuda in rupe, & omnibus defecta, fame interirent, ex desperatione consilium ineunt experiendi denuò, vitatos interitus; ergo naufragij collectis aliquot, & malè compactis, in modum cymbæ reliquiis mari vltro se dedunt; suspicione potius quam spe firmâ, sinus alicuius rapido aluco, deportandos se in littus fortuitum. In iis erat mercator, coronâ Xauerij vnicâ securus. Vix cymbâ in aquas immiserant cœperatque incerta vacillare, ut solent clauo destituta; cum is ab sese abalienatus, nec discrimen deinceps imminens, sed nec mare aduertens, in vrbe S. Thomæ versari se credidit, & cum Xauerio familiariter colloqui. Tenuitque hoc mirum vigilantis & dulce somnium dies quinque: hinc sibi redditus, vado prorsus ignoto se insistere agnoscit, suoque cum ingenti stupore, nec vllum circa se de sociis videt, quippe omnibus fluctu ad vnum haustis; nec illud ex naufragio commissum tabularum, cui vitæ residuum commendarat. Ergo incolas percontatus, quæ regio? vbi gentium esset? comperit haud procul ab S. Thomæ, ex quâ discesserat, in Nagapatani ora consistere.

55. Alium item ex naufragio saluum subsidio alio æquè mirabili adiuuit. Erat is Hieronym. Fernandez de Mendoz, miles; ex Choromandelo, vbi tunc agebat Xauerius, occasum versus vela dabat; prope Comorinū, nauim eius Piratæ Malabares inuadunt, quid vectoribus aliis factum sit acta publica non produnt; Hieronymus omnibus spoliatus, eorum, & manibus, & mari elapsus, eò vnde soluerat redit seminudus, deplorandâ ut fit, apud obuium quemque calamitate suâ, opis aliquid captans, in Xauerium incidit, nihil quod homini daret tunc habentem, peræ tamen vire sanctus sed frustra manum inseruit, quippe à pecunia vacua. Quare os sursùm oculosque attollens, tum ad militem versus, benè tibi faciat Deus, frater: dictoque hoc abit. Passus ferè quinque confecerat, cum auditum se sentit, pauperem reuocat, indit iterum peræ manum, eductosque ex ea quâ aureos, quâ ex argento nummos quinquaginta, illi donat planè ignoto signatos marculo, aiens quando Deus illos ei misisset, iis silentio vteretur. At sui tam capax non fuit lætitia, & admiratio mendici, ut benefici meritum silentio premeret. Toto mox Choromandelis tractu res celebrata est; & quidem hoc mirabilius quid puri, adeò purgatique metalli nummos illos obruza comprobauit, ut clarum esset,

55.
Ad Eleemos.
pecunias mi-
raculo inue-
nit.

alibi quàm in terris fusos ex quo factum, ab argentariis, vt multò maiori pretio, quàm pro pondere mutarentur.

56
Propheciæ
Xaverij de
Ioanne Eiro.

56. Successus habuit varios, nec minùs insolitos, quod ei cum Ioanne Eiro contigit, estque operæpretium rem vt gesta est hîc omnem dare, tametsi Meliapore inchoata, Malacæ deserit. Annum agebat Eirus quintum supra trigessimum; aliquandiù miles, postea mercator, inde navis vnus Dominus, & pecuniarum in primis opulentus; neque propterea illa forte, nec seipso contentus, vt quem sugillaret frequenter animus, seu veriùs Deus, iterando atque inculcando; tot maris pericula, commerciorum tam anxias, & perpetuas curas; si lucris melioribus locasset, quantò esset futurus bonorum ditior quàm nulla mors eripit, & sibi adæquat æternitas: vnde autem posset confidere, fore sibi mare quam tot aliis magis fidum? nec tam longis parta sudoribus, & vitæ periculis momento haustum? tunc verò quæ gratia tot laborum & iactationum præter vitam intabescens dolore continuo, ob amissas hîc opes; & nullas in cælo repositas: quin etsi ex voto congeratur quicquid potest quæstum optari, annon morte tandem illorum iacturam fieri? quantò prudentiùs ingenti præmio nunc vltò id fiat, quod extortura est, tunc absque merito, velis, nolis dura necessitas? nempe omnibus Deo consecrandis, terra, cælo; caduca mansuris, immenso fenore mutantur? Hæc pio Ioannis animum pungebant aculeo, & in molli pluma aggeratarum facultatum non sinebant interquiescere. Cum in Zeilano Xaverium offendit, illic eius allectus alacri paupertate, sanctimoniam vitæ innocentis, pretiosisque laboribus, beatum se statim putavit, nactumque vnà quam inuestigabat viuendi formam, & vitæ ductorem; quod subindè illi obscure, & tacitè cum significasset, erupit denique, seque illi totum intimè expansurus de peccatis ab eo audiri petiit; sed hunc boni ardorem Meliaporem distulit vir sanctus quòd Nagapatanum versus in procinctu tunc esset; & Meliapore mercator proximè adfuturus. Ibi Xaverio mentem suam penitus aperit, fixum sibi esse, studium, ac labores, melioribus exindè commerciis, & lucris locare; animæ suæ totum se reddere; id ab se idcirco præstari ferius quòd piè viuendi præceptor, & monitor ante hac occurrisset nemo; reperto iam qualem maximè optarat, abdicare se ad illius pedes, quicquid bonorum possideret, spes omnes, & ambitus, Deo in perpetuum consecrare; demùm ipsi laborum indiuiduum comitem, & imitorem (quoad vires ferebant) Apostolicæ muneris se dare, nisi se indignum tam religioso conuictu iudicasset. Sub hæc laudato Xaverius, ad propositum animos addidit, verum ita cautè, vt nec admitteret omnia, neque reiiceret: opes quidem, & sæculum abiici laudavit; & comitem sibi non renuit ducere; haud tamen priùs Religionis socium ascium quàm periclitatus illum esset diuturniori obseruatione: de sua re, cum Deo ageret, conferrètque in vsus quos agnouisset illi gratissimos. Satisfecit Ioannes omnibus cumulatè. Anteaquam vitam confessione omnem retexuit.

Nauium